

### Wie de Frau Türk veezehn Kinder gekrög hät.

Sechs Johr eß et Schmitze Drüggela ald verheerot un hät noch immer nix Kleins.

Neulich trof it ens de Frau Türk, die it uus singem elderlichen Huus her kann, un die Mutter vun veezehn Kinder wor. Et Drüggela klagten ehr sie Leid un frogte: „Frau Türk, wie hät dat dann eigentlich gegange, dat Ehr veezehn Kinder gekrög hatt?“ „Och,“ säät de Frau Türk, „dat eß sehr einfach gewäs! Wie meer et eeschte Kind hatte, meint ming Mann: Frau, op einem Bein ka'mer nit ston! Un do ha' meer uns et zweite bestallt!

Kaum wor dat e paar Mond alt, doh meint minge Pitter: Sag, Sting, drei eß göttlich! Jo, säät ich, wenn Do meins! Un doh ha' meer uns et drette bestallt.

Kaum wor dat drette äver e paar Mond alt, doh säät minge Mann ald widder: Frau, wat hält do dervun, et git veer Evangeliste! Jo, säät ich, wenn do meins!

We meer die veer Evangeliste zosamme hatte, doh kniepte meer op 'ne goden Ovend minge Pitter me'm Aeugelche un säät: Sag, Frau, fünf Finger an jeder Hand! Jo, säät ich, Pitter, wenn do meins! Un doh ha'meer uns Nummer fünf bestallt!

Aevver minge Mann, dä denk an alles, un op eimol säät hä: Sag, Sting, sechs eß grad en halv Dotzend! En halv Dotzend Hemder, en halv Dotzend Underbotze, en halv Dotzend Kinder, su gehöt et sich! Jo, säät ich, Pitter, wenn do meins!

Und wie no dat sechste Kind wie sing fünf Bröder och widder 'ne Jung wor, doh säät minge Pitter: Jitz müssen et och de sibbe Gebröder wäde! Jo, säät ich, Pitter, wenn do meins! Un richtig, dat sibbente Kind wor widder 'ne Jung.

Dat ging esu en halv Jöhrche got, doh petschte mich op eimol minge Pitter meddags zwesche Zupp un Aedäppel en de Backe un säät: Meins do nit och, dat aach en schön Zahl eß. Eeschtens ben ich am aachte gebore, und zweitens eß aach uns Huusnummer! Jo, säät ich, Pitter, wenn do meins!

Dat aachte Kind worno et eeschte Mäde, un vör luuter Freud säät minge Mann: Frau, do weiß, ich ben immer 'ne stramme Foßartilleri gewä, un nüng es ming Regimentsnummer! Jo, säät ich, Pitter, wenn do meins!

Wie meer et no glücklich bis zum Pitter singer Regimentsnummer gebraht hatte, doh meint hä op ne goden Ovend: Dä ganze Kammiß eß doch jitz avgeschaff, dann blos och jet op de Regimentsnummer. Hör ens, Frau, meer han doch allebeids noch Religion em Liev, was hält do vun de zehn Gebote Goddes? Jo, säät ich, Pitter, wenn do meins!

Minge Pitter eß no immer 'ne schwere Fastelovendsgeck gewä, un do durch kom hä op eimol op die Idee un säät: Zehn Kinder kumme meer vör wie 'ne kleine Rat, däm der Präsident fählt; de einzig richtige Zahl eß elf, denn elf eß de Geckezahl! Jo, säät ich, Pitter, wenn do meins!

Wie meer no glücklich dä Elferrat zosamme hatte, doh han ich dann och ens e Woot riskeet und för minge Mann gesaat: Dä iewige Fastelovend met